



Kuno Fencker, Naleraq
Inatsisartunut ilaasortaq
inatsisartut@ina.alla.gl

**Imarsiortunik atorfinitsitsisarneq pillugu § 37 naapertorlugu apeqquteqaammut
2025-088-imut akissut**

Dato: 14-07-2025
Sagsnr.: 2025 - 14180
ID. nr.: 98547283

Asasara Kuno

Inatsisartut suleriaasianni § 37 naapertorlugu imarsiortunik atorfinitsitsisarneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Imarsiortunermut inatsit nunatsinni atuutilersinneqarnissaa pillugu suliaq ullumikkut qanoq inissisimava, tassunga ilanngullugu inatsisit pingasut taaneqartut kiisalu nalunaarutit 25-it missaaniittut, Naalakkersuisut siusinnerusukkut akissuteqaataat, § 37 pillugu apeqqut 2024-122-imut akissuteqaammi, Kunngip peqqussutaatigut atuutilersinneqarnissaat piareersarneqartoq ullumikkut qanoq inissisimava?

Akissut: 'Kunngip peqqussutaatigut imarsiortunik atorfinitsitsisarneq assigiissaallu pillugit Kalaallit Nunaannut inatsisip atuutilernissaa pillugu' aammalu 'Kunngip peqqussutaatigut Kalaallit Nunaannut imarsiortunermi isumannaallisaanermut inatsisit assigiinngitsut allannguutaasa atuutilersinneqarnissaa' 2025-mi juulip aallaqqaataani tamanut tusarniutigineqarput. Tusarniut Naalakkersuisut tusarniaavianniippoq. Peqqussutit 2025-mi ukiakkut ataatsimiinnermi Inatsisartunut saqqummiutissallugit Naalakkersuisut sulissutigaa.

Peqqussutit Inatsisartunit oqaluuserineqareerpata, oqartussat attuumassuteqartut suleqatigalugit nalunaarutit atasut Kalaallit Nunaanni pissutsinut naleqqussarneqassapput. Nalunaarutit 2026-p aallartinneranit atulersinneqassasut naatsorsuutigineqarpoq.

Apeqqut 2: Qaqugu Naalakkersuisut naatsorsuutigaa suliaq tamanna naammassineqassasoq Inatsisartuniillu isummerfigineqarlunilu aalajangiiffigineqassava?

Akissut: Apeqqut 1-imut akissut takuuk.

Apeqqut 3: Aalisartut kiisalu kilisaatersortut "namminersortuusaarlutik" ingerlatsisut amerliartuinnarnerat pillugit Naalakkersuisut Imarsiortunermut Aqutsisoqarfik (Søfartsstyrelsen) peqatigalugu tamanna oqaloqatigiissuteqarfigaa?

Akissut: "Namminersortuusaarlutik" ingerlatsisut imaluunniit attuumassuteqartumik unamminartut pillugit Ineqarnermut, Attaveqaasersuutitut Isorliunerusunullu

Naalakkersuisoqarfik ilisimasaqanngilaq. Tamanna pillugu Naalakkersuisut Søfartsstyrelsimik oqaloqateqarnerini tamanna ilaanngilaq.

Naalakkersuisoqarfiup Kalaallit Nunaanni Aalisarnermut Piniarnermullu Nakkutilliisoqarfik (GFJK) attaveqarfigaa. Paasissutissiissutigaa, *"inuttalersuisarnej pillugu nalunaarummi malittarisassiuussineq malillugu angallatini 24 meterit sinnerlugit angissusilinni inuttanik nakkutilliinermut atatillugu, namminersortuusaarlutik ingerlatsisunik GFJK ilisimasaqanngitsaq."*

Apeqqu 4: Naalakkersuisut qanoq iliuuseqarniarpat tamanna pinngitsoortinniarlugu kiisalu nunatsinni imarsiortut pininnaatitaaffeqarnissaat illersorneqarnissaallu qulakkeerniarlugit?

Akissut: Nunat tamalaat akornanni malittarisassat assigalugit Kalaallit Nunaanni imarsiortut pininnaatitaaffeqarnissaat qulakkeerniarlugu, Kunngip peqqussutaatigut imarsiortunik atorfinitsitsisarnej pillugu inatsit Naalakkersuisut Kalaallit Nunaannut atuutilersinniarpaat.

Tassunga tunngatillugu GFJK-p paasissutissiissutigaa, *"Kunngip peqqussutaatigut imarsiortunik atorfinitsitsisarnej pillugu inatsimmik atortuulersitsineq atorfinitsitsisarnermi isumannaassuseqarnerulersitsissasq, sulinermi atugassaritaasunut pitsaanerulersitsissasq, aalisartunullu isumannaannerulersitsissasq."*

Taassuma saniatigut apeqqu 3-mut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede